

НӘ'МА ЩЬҺУДА

Пешготьна институте

ЩьҺуда бь ве нә'ма кьн бәрбър'и һ'әму бавәрмәндед Иса Мәсиһ дьбә. Ль гора шә'дед сәдсалийед пешьнда хөдане ве нә'ме, ЩьҺудайе^ф бьре Иса Мәсиһ ә (Мәтта 13:55; Марқос 6:3). Фә'мина ве нә'ме незики нә'ма Пәтрусә^ф дөда йә. Мәрәме ве нә'ма ЩьҺуда әв ә, вәки пешийа ван мәрва^ф бьдә гьртые, йед кө Мьзгинийе т'әвиһәв дькьн у һинкьрьнед шашә зийанк'ар бәла дькьн, мерьв дьхальфинь^ф у ә'мьре нәр'аст һин дькьн. Хөдане нә'ме һ'ышк давежә ван, ле хвәндәвана дьшьдинә у дьньвисә кө бавәрмәнд «бона ве бавәрийа^ф кө шарәке щьмә'та Хвәдер'а һатийә дайине» хирәт кьн. Нә'мә бь ширәт у р'азибунәкә һ'әвас хьлаз дьбә.

Сәрәщәма фькьра нә'ме

Пешготьн (1-2)

Хәйсәт у һ'өнөред дәрсдаред дәрәв, һинкьрьн у к'әтьна ван (3-16)

һаш жь хвә һәбьн бавәрийе чава хвәйи кьн (17-23)

Р'азибун (24-25)

Сьлавкьрьн

1 ¹ Жь ЩьҺудайе хөламе Иса Мәсиһ, бьрайе Ақуб^ф,
Вәр'а, йед кө газикьри нә, жь Бав^ф Хвәдеда һ'ызкьри
у хвәйкьрийед Иса Мәсиһ ьн:

² Дә бьра р'ә'м, ә'дьлайи у һ'ьзкьрһн һе ль вә зедә бә.

Дәрсдаред дәрәw

³ Дәлално! Гава мьн дьл кьр, кә эз бона ве хьлазбуна^Ф мәйә т'омәри вәр'а бьньвисьм, һьнге мьн р'е тер'а дит бона ве йәке вәр'а бьньвисьм у дьл бьдьмә вә, вәки һун бона ве бавәрийа^Ф кә щарәке бона һәр т'ьм щьмә'та Хвәдер'а һатийә дайине, шәр'е хвә бькьн. ⁴ Чьмки чәнд мәрвь^Ф дьзива к'әтһнә нава вә, кә дәрһәқа диwana ванда һе пешда ньвисар бу. Әвед нәп'ак бьн наве к'әрәма^Ф Хвәдейе мә хвә данә бенамусийе у Хөдане^Ф мә Иса Мәсиһ Хвәйики бешьрики-бехәвал инк'ар^Ф кьрһнә.

⁵ Ле эз дьхвазьм биньмә бира вә, чава һун ван һ'әму тьшта заньн жи, кә Хөдан щьмә'та хвә жь вәлате Мьсьре^Ф хьлаз^Ф кьр, паше қьр'а йед кә бавәр нәкьрһн ани. ⁶ У әw мьльйак'әтед^Ф кә һ'өкөме хвә хвәй нәкьрһн, ле щийе хвә шьһ'ьтандьн, Хвәде ван бь қәйдед һ'әта-һ'әтайейә тә'ристанийеда хвәй дькә, бона ве Р'ожа һ'әсабә Диwane. ⁷ Ве жи бир нәкьн чава Содом^Ф, Гомора у бажаред дор-бәред ван, мина ван жь гөр'а Хвәде дәрк'әтһн қави^Ф кьрһн, ч'ә'в авитһнә бәдәна башқә* у диwana агьрийә һ'әта-һ'әтайе сәр хвәда анин. Әвана иди бона мә т'әрз у дәрс ьн.

⁸ Өса жи әw мәрвь пәй хәвна дьк'әвьн, қальбе хвә дьһ'әр'ьминьн, дьжәньнә сәрвертийа у һәйинед хвәйир'умәтә жорьн дьк'ьфьрһн. ⁹ Ле Мьхайиле сәрәке мьльйак'әта^Ф әв йәк нәкьр. Гава бона щьнйазе Муса^Ф р'абу Мирещьнр'а^Ф к'әтә һ'өщәте, тәрөш нәкьр кә бь

* 1:7 «Бәдәна башқә» ль гора Дәстпәбун 19:1-8 те фә'мкьрһне, кә мера дәст давитһнә мера у өса жи мьльйак'әта.

к'ьфьрийа диwana ми бькьра, ле гот: «Бьра Хөдан ль тэ һьле!»¹⁰ Ле эв мэрьвана сэрэдэрийе ль wan тыштед кө дьк'ьфьрын накьн, ле чь жи мина һ'эйwanед безарэ-безьман бь бьнийат'и фэ'м дькьн, бь wan жи онда дьбьн.

¹¹ Wэй ль wan, кө р'ийа Qайинда^ф чун, мина Бьлам^ф хальфин^ф, пэй к'ара хwэ к'этьнэ у мина р'абэрибуна Qорак^ф we бэла хwэ бьбиньн. ¹² Эвана мэсрэфед һ'ьзкьрьна* wэда лэк'э нэ, т'эви wэ бе хоф дьхwьн-вэдьхwьн, т'эне зьке хwэ дьч'ериньн. Йед һа, э'wред беавэ жь бэр бе чуйи нэ, даред пайизейэ бебэр ьн, р'аwава^ф р'акьри, дө щар һ'ьшк буйи, ¹³ пелед бэ'рейэ р'абуйи нэ, кө чаwа э'йба кьред we мина к'эфе сэр дьк'эвэ. Эw стэйркед хальфи нэ, бона к'ижана духана тэ'ристанийе һ'эта-һ'этайе хwэйкьри йэ.

¹⁴ һэнох жи кө пэй Адэмп'а^ф баве һ'эфта бу, бона ван мэрьва п'ехэмбэрти^ф кьр у гот: «Ва йэ Хөдан т'эви пирозед^ф хwэйэ беһ'эсаб те, ¹⁵ wэки диwana һ'эмуйа бькэ у һ'эму нэп'ака нэһэq кэ, бона һ'эму кьред wanэ нэп'ак у бона wan һ'эму готьнед хьраб, кө нэп'акед гөнэк'ар^ф һьндава wiда хэбэр дан». ¹⁶ Эвана мэрьвнэ бинтэнгэ фьш-фьшко нэ, пэй хwэстьнед дьле хwэ дьчьн, жь хwэ мэстьр хэбэр дьдьн у бона к'ара хwэ һ'ьлэк'арийа дькьн.

Ширэтед қәнц

¹⁷ Ле һун дэлално, wan готьнед кө шандийед^ф Хөдане мэ Иса Мэсиһ пешда готьнэ бир биньн, ¹⁸ кө wэр'а дьготьн: «Р'ожед ахьрийеда мэрьв we дэрен, qэрфе хwэ р'астийа Хwэде бькьн, эwe пэй хwэстьнед дьле хwэйэ

* 1:12 «Мэсрэфед һ'ьзкьрьне» аһа те фэ'мкьрьне, кө бь һэвр'а нан дьхварьн у шива Хөдан дэрбаз дькьрьн (К'аред Шандийа 2:46; 20:7, 11).

нәп'ак һәр'ын». ¹⁹ Әв әв мәрв ын, йед кӧ дӧтирәтийе дькын, йед кӧ бь мәрвайи тенә р'ебәрикьрне, нә кӧ бь Р'ӧһ'e Пироз. ²⁰ Ле һун дәлално, хвә бьднә сәр авақьрна бауәрийа хвәйә пироз, бь Р'ӧһ'e^ф Пироз дӧа бькын, ²¹ хвә нава we һьзқьрна Хвәдейә һндава хвәда хвәй кын, һивийа р'ә'ма Хӧдане мә Иса Мәсиһ бьн, кӧ жийина^ф һ'әта-һ'әтайе бьдә вә. ²² У һндава дӧдльийада р'ә'м бьн*. ²³ һнәка жи жь агьр бьр'әвиньн хьлаз кын, дьле вә сәр йед майин жи бь тьрс бьшәвьтә, ле жийина ванә гӧнәк'арә мина к'ынща ләвьт'и бәр ч'ә'ве вә р'әш бә*.

Шьқьрдайн

²⁴ Уир'а, йе кӧ дькарә вә жь к'әтьне хвәй кә у ль бәр р'умәта хвә беқӧсур эшқ бьдә сәкьнандьне, ²⁵ Хвәдейе бешьрики-беһәвал, Хьлазқьре^ф мәр'а, бь дәсте Иса Мәсиһе Хӧдане мә, шьқьр у мәзьяйи, қӧдрәт у һ'ӧкӧмәт бә, бәри һәр-һәйе у ньһа жи у һ'әта-һ'әтайе! Амин^ф.

* 1:22 Аһа жи те фә'мқьрне: «Дӧдльийа бьшьдиньн».

* 1:23 Аһа жи те фә'мқьрне: «Һ'әйфа вә ви кьрасе жь бәдәна ван ләвьт'и нәйе».